

沁州復續志



沁州復續志卷之三

郡守固始吳承恩子復甫續修

忠烈

孔曰成仁孟曰取義士君子致身仕版變故猝遭效命一朝流芳百世

國家恤典優隆延及後嗣雖死猶生亦復何憾若乃手斃凶逆身撻鋒刃激烈捐軀聞者感泣而或盛名不彰則修志者之責也今於沁屬得三人焉復志忠烈

州

沁州復續志

卷三

忠烈

秦學魁州西里民籍寄居霍州道光甲辰科武舉借補曲沃縣城守把總曲沃人稱爲秦鐵漢咸豐三年粵匪竄晉圍曲沃借縣令丁璜教諭魏懸書等登城守禦發炮斃賊賊衆大至力不支城遂陷丁魏俱死之公猶巷戰城中死屍滿地後覓遺尸竟未得教諭魏君武鄉人也柩旋里道過沁其甥范姓者向沁人述其事之始末云經平陽府彙稟秦

公已蒙

恩恤獲世襲焉



沁源縣

張明倫字察菴增貢生由光祿寺署正改選浙江孝
豐縣知縣到省後未履任值粵匪圍杭州奉令守
門城陷盡節武鄉縣舉人浙江候補知縣籍文學
爲之具文申詳得蒙

恤典

沁州復續志

卷三

忠烈

二

武鄉縣

魏懸書字雲榜號柳塘嘉慶戊寅舉人道光丙戌大挑二等庚子選授平陽府曲沃縣教諭之任後設帳授生徒其成進士貢成均者數十人咸豐三年粵匪攻圍懷慶懸書每與邑令丁璜訓導胡彭齡談及時事輒默不語者久之蓋決有殺身之志而不欲言也迨三年八月賊由垣曲入晉且及平陽懸書愕然曰死期至矣賊果大至與邑令丁同時罵賊不絕並遇害其長子介生及姪浩生皆死之

沁州復續志

卷三

忠烈

三

妻張氏攜其九歲兒亮生投井越日門下士繩出母子死而復甦其仲子瑜生日擊親死驚怖不食幸不死介生婦趙氏里居閭難驚泣絕粒鄰人力勸進食卒成疾越歲而歿嗣經平陽府彙報懸書以殉難故

敕贈國子監助教世襲雲騎尉父子俱入祀曲沃昭忠祠子亮生弱冠入泮旋食餼

文苑

孔子四教以文爲先蓋文本於忠信發而爲禮樂度數之詳推之卽經濟綱常之大此文學之科列於德行政事之後而其人皆以爲宰著乎沁雖僻壤士亦有明體達用者學優而仕免遺誦於不文仕優仍學不至失於無術矣續志文苑

州

張孝捏字雋升父大鵬康熙甲子副榜前志詳載人物兄孝揚進士孝拔舉人前志詳載文苑孝提舉

沁州復續志

卷三

文苑

四

人公其四也乾隆元年進士選翰林院庶吉士改編修之五朝國史纂脩官協辦起居注事戊

午順天同考官四川道監察御史由公至於今一百四十餘年矣鄉先生談文藝者俱艷稱雋升則公之學問淹博著作宏富昭然可見第歷年旣久未能備紀今將所傳恭和

御製詩陶公草書法帖跋姚公碑記載入藝文雖云一斑片羽而公之品概可想見矣

吳沆字湛斯一字靖堂大學士文端公之元孫曾祖

益臣公祖聖功公並以名進士家居不仕父亨仲
公乾隆庚辰進士廣東儋州知州公楊宜人出目
短視髮早白賦性誠慤內行純篤與人交藹然可
親讀書行文循序漸進恪遵先正規矩不踰尺寸
雖出華胄歛然自下絕無紈袴習斗室孤燈窮年
矻矻人以爲難能自儋州公歿後虔誠祭祀敦睦
親族遵守累世忠厚遺風終身不改鄉黨稱之宰
慶元時爲政悉本家訓與民相安不尙刑威境罹
水患勤求撫字周歷村墟蒿目拊心寢饋不安者

沁州復續志

卷三

文苑

五

數月因以成疾太守方公憐而勸之則曰某亦知
其無益但此心惴惴終覺難安耳遂疾終官署合
河康公記其墓有曰使天假之年鍊其才擴其識
恢宏其志氣未嘗不可以澤被生民光紹前烈不
然如儋州公之退息林泉安守墓廬亦足以衍先
澤長子孫爲國人所矜式而乃中年摧折志意莫
伸伯道無兒甘棠空蔭君子之澤縱延於五世花
封之政未報以三年天乎人乎數耶命耶是真有
不可以理測者蓋悼惜之深矣初公以明經司鐸北

靈舉孝廉方正加六品銜嘉慶六年

詔錄本朝入祀賢良祠故大臣後裔

恩賜舉人一體會試乙丑成進士出知浙江慶元縣未
四載卒無子以從子瑤台嗣享年四十有七詩文
傳記之類俱已造極登峰家藏著述甚富惜未發
刻

王省山號松坪州西烏蘇人父藍歲貢生深於經術
教後進有法爲時聞人母曹太孺人生子三公屠
次少時受知於學使黃左田先生入泮後旋食餼

沁州復續志

卷三

文苑

六

嘉慶辛未五臺

名試得蒙文綺之

賜癸酉登拔萃科

朝考二等以教諭用借補太原縣訓導其教士也先
器識後文藝諸生慶得師公迎養其封翁及母曹
太孺人到署朝夕承歡復克恭兄友弟人益服其
以身教疆吏知其才論薦選雲南元謀令地處炎
徼號難治君鎮靜不苛蠻獠感德未幾解運京銅
事竣請假暫歸省母將陳情乞養曹太孺人諭之

曰汝能勤政愛民勝如日依吾膝下也君於是重
回元謀任邑有盜以計擒之境內肅然道光壬寅
奉母諱服除選江蘇崑山令撫字催科舉出仁恕
愛士尤亟時至玉峰書院聚諸生口講指畫最以
實學士爭自奮勵丙午科王仁立唐張煜祝麟趾
同登賢書公嘗曰昔司鐸晉陽有李生者寒甚無
所依吾招之至署課其讀已酉得選拔今王生輩
舉於鄉可謂不負吾教督也縣有莠民龔廷吳景
橫於鄉君發其奸懲以法遠邇翕然稱之丁未調

沁州復續志

卷三

文苑

七

署無錫繁劇之區所設施益恢廓不喜事不病民
間間稱之者如在鹿城時會紳士某恃勢侵漕政
遂執之大拂長官意幾去任李吉人方伯獨以公
爲賢力護持委攝江陰縣事或勸公曰盍不委蛇
其道庶獲上乎公曰盡職所以事上除暴卽以安
良吾敢心忮忮取媚於時哉公之剛正
不撓蓋如此已酉江南大水江陰灾黎數萬奄奄
待盡公再三請於中丞發帑賑濟全活甚衆江
北流民過境者給以貲具船送歸頌聲滿道是年

冬忽奉檄仍回崑山災民知公重至有喜色於是恤孤寒拯老疾人尠愁歎聲而公力瘁矣癸丑八月調署江甯地逼賊巢公徧歷四十八社犒牛酒練鄉勇所以衛民者甚備逆匪屢來窺不敢肆而歲無警公之力也甲寅七月賊匪來攻公率勇堵禦別賊由間道入將寓署搜掠一空時公已抱病卽上書自劾解職養病乙卯春卒公藏書數千卷每手一編披誦至夜分無倦容兼好法書名畫而尤邃於詩學梓行所著菜根軒詩鈔十四卷續鈔

沁州復續志

卷三

文苑

八

一卷不規規於古人而神與之合原板藏家京師蘇州等處皆已翻刻行世享年六十有八第公詩之得以完刻與公樞之得以歸葬者全賴其猶子王嵩之力嵩字秋嶽早歲隨公宦遊滇省多著勞績以故廢書援例入監又加布政司理問銜嗣因公改選江南崑山縣旋署江陰時有江北災民渡江入境以數萬計秋嶽奉公命捐米數千石銀萬兩賑恤大吏起奏卽以秋嶽名上奉

旨特予知縣分發江南候補咸豐八年到蘇供職時寇

盜縱橫蘇杭等城齊陷失印無算先後奏請頒發
新印惟浙江鹽道印行至蘇境遇賊又失遴選幹
員搜覓終不能獲同寅薦秋嶽接此差因沿途訪
查確知在太湖邊遇賊投淵令善泅者入水探之
一舉而得大吏上功

恩加同知銜遇缺即補適崑山缺出挨次在秋嶽奈時
已抱病未及履任旋即殞歿大吏以其才幹出眾
深惋惜之至菜根軒詩剗剗告竣攜板歸家備詳
集中尾言松坪先生一子名嶷授從九職

沁州復續志

卷三

文苑

九

曹晉字允升郡東鄉西河底人咸豐丙辰 恩貢增
生思恭之子附生增輝孫也屢世書香家素清寒
公安貧守介謹遵庭訓早夜苦讀篤實有大志後
受業於州學正舉人逯公映堂逯公才學兼優夙
號名師嘗謂沁有兩生王生之矯拔曹生之沈着
當不拾巍科耳學使按臨屢擢第一許爲實學卒
以文境過高不屑趨時七次入闈皆薦而未售由
此灰心仕進杜門課子兼理家政長子澍次子瑜
今相繼食餼又以其所心得成就後學出門下者

補廩遊庠二三十人可謂不負所學矣一生爲人
務敦根本孝出眞誠心盡力竭父患背瘡母亦卧
病公徧求醫藥禱於神欲以身代無何母先歿父
又感痢疾家不能蓄婢僕身兼臧獲年餘不解衣
帶未幾父亦繼逝哀毀備至質產營喪葬俱遵古
禮無所苟忌誕亦不敢稍忽居鄉則濟弱扶傾不
談公事不入公門四鄰矜式生平手不釋卷尤邃
於易布衣疏食淡泊自安前牧桂公採輿論舉
公爲鄉飲大賓不幸內外交營勤勞過度以此致
疾享年五十八而卒一切著述藏家未經剗劂他
日出以問世有信其必傳者矣是爲記

武鄉縣

魏鸞翔

字儀廷號魯齋乾隆己亥恩科舉人著有武鄉建置沿革考重修南山廟記

趙昌業

字敬故一字肄園恩貢生著有潛居瑣記課餘草數種

程林宗

字泰卿一字介山拔貢生著有孟子醒批驚隣詩草凡七種

王夢聘

字莘菴道光乙酉拔貢著有所吟偶存詩稿

魏守經

字亦權號一泉父三汲公孝謹廉讓屢稱閭里五十二歲而始生經守經幼承家學穎悟

過人歷任學使皆許為沁屬第一道光壬辰恩科經魁甲辰會試文已擬中竟以額滿見遺自是遂無意進取講學家塾之心稼軒著之已刊者悔不讀齋詩百篇古近體詩二卷未刻者有南亭竹枝詞悔不讀齋試帖詩古文制藝各皆成編並課幼緒言學詩初枕二峽

沁州復續志

卷三

文苑

卒

李重華

字伯香號素園道光乙巳進士授直隸新城令著有淨塵菴記一則

以上諸人事實詳縣志

方技

醫卜星相雖小道必有可觀況醫爲仁術精斯技者
尤足濟世活人其功非細加以不趨勢力不重貲財
不輕貧賤則技而進於德矣岐黃道高和緩行卓有
此一二烏可從畧復志方技

州

張興賢字容衆嘉慶元年 恩貢郡西鄉紅坡村人
性凝重才敏達經史百家而外兼通岐黃之學博
經典而工詩賦勤誘掖而淡束修蓋得英材而教

沁州復續志

卷三

方技

七

育之公之所樂也其甥杜其秀七歲失怙貧不自
給公養育之而教誨甚嚴一日其秀輟讀潛歸公
逐之詰其家其秀母泣謂公曰貧如洗子若是何
以度日公慰之曰不必憂此子才思非凡必能養
汝吾引去毋庸繫念人頗以爲妄及其秀中式任
懷仁教諭迎母奉養極其豐厚人始信公有先知
之哲孝廉王元德亦受業於公者與其秀及門下
士二十餘人懸瞻仰山斗區以頌德教焉公救世
情殷於啟迪後進之餘恒研究脈理故醫學益精

學憲瑚試潞澤感疾返於州以東示學正曰某有
微疾但艱舉動邀醫服藥遂至病篤此必盲書而
業醫者使然汝其於諸生中有精醫者速邀入院
學正因召公至同詣考院視 學憲疾既診脈乃
曰時雖寒而用藥過熱氣雖虛而用補太峻是不
探病源徒按時令未明滋降專尙補益貴恙之不
速愈以是故耳須知隆冬用藥不過少加溫煖毋
伐生化之源即可此症陰虧火盛非用大涼之劑
兼以補瀉生不敢治 學憲因出前方以質之實

沁州復續志

卷三

方技

七

如其言即命試方甫一服病小愈再服病若失
學憲欣然曰吾能再生汝之力也厚予以金公壁
謝 學憲深感公德遂給寵錫名流四字以旌其
門公之活人不止一事此其大著者

茹桂太學生河泉村人以醫行世兼通堪輿之說於
數學尤精然不輕爲人卜倪村百姓公戚也以視
病相邀而公已晨起一課謂今日宜獲錢三千應
不在女可坐待之亦不致誤女事少頃果復有相
邀者倪村乃必由之路公順便視病立方而去次

日歸復入白姓門出錢數示之曰昨日豈相誑哉
人方知公解卜猶以爲偶中耳松村駢姓亦與有
瓜葛時值腹痛遣人相邀公方出門復返半晌言
適起一課病者乃其自盡已斃矣何相欺邀者求
益力且矢非欺公與之方令速歸如言不驗再來
未遲迨歸果如所言蓋倉猝請醫未及細詢其故
耳又一日有客策蹇來邀公延入室讓坐進茶謂
之曰客今來非爲人病乃爲塋地耳葬已多年何
須再問出清晨所起課以示之客驚駭蓋自一世

沁州復續志

卷三

方技

三

至三世其間之吉凶禍福一一相符焉由是爾公
善卜之名乃著然有踵門求卜者則謝之曰子思
子不云乎君子居易以俟命何卜爲况人事所在
卽數所在又焉用卜後得疾有候者公皆使於某
月某日問音耗無須再來及是日扶杖出門仰面
而視謂家人曰天氣清明風色甚好吾之遊觀正
於是矣入室旋逝人始知公早已卜定矣易曰知
幾其神殆公之謂也夫知數難知數而能安於數
更難如公者幾近於道歟孫名念祖生員

霍迎祉西鄉溫庄人爲郡醫學典術潛心藥餌尤妙
針灸有產婦腹痛命在頃刻與以治蟲理血之劑
引用陳醋服藥後痛轉加人多危之先生謂虫中
毒而回頭也少頃便愈寺庄侯姓墜崖下十餘日
湯水不進手足亂攪與以去風開血之劑二服卽
愈兩症適在一年人問症各於先生告之曰婦名
虫血症男名風血症認疾真故去疾速耳 州尊
喜公之子腹內時時作痛口中有膿血氣延之醫
治先生曰此名纏腸癰宜用歸連散解其毒再用

沁州復續志

卷三

方技

古

七寸長銀針冒以鵝翎筒裝以猪苦膽吹氣令滿
緊扎其口從穀道送入及病處推針刺之瘡口在
下膿血自然隨大小便出矣公命如法療治病果
愈喜公大悅因給今世華陀匾以旌其門奇方妙
術此其大畧嘗曰醫者意也以意相逆之謂也
外成方不泥成方加之望聞問切何患病源不得
病根不拔乎曾用空白紙訂成冊卷每療一奇症
卽立一醫案顏其方或名救急良方或各經驗良
方手自抄錄以期濟世後人不類竟至散佚鄉鄰

惜之

曹九州字培基號蘭溪州西堡村人光緒元年 恩賜壽官孟子謂術不可不慎公以仁存心故以醫行世懸壺仁勝市中有村人田進利之妻生產不下舉家驚恐公謂臨盆太早宜保養氣血服藥甫一二時胎即下母子俱無恙郭村霍起鵬之妻懷孕而得傷寒症公曰雖屬有孕然脉既洪大總宜清解乃用梔子大青湯一服而痊沁邑崔光祖之子三歲出痘諸醫以熱藥治之病幾殆公以此症

沁州復續志

卷三

方技

五

雖似不救看其天根月窟猶有生機姑試之乃以水洒新席將兒卧其上半日而甦公之審症用藥大約如此不矜奇不立異不重貲財不薄貧人生前雖無赫赫名沒後人思念之咸曰曹先生仁人也良醫也

郭明威字南宮州南段柳村人咸豐壬子歲貢戊午舉鄉飲大賓科甲未遂潛心醫術古語云不爲良相即爲良醫亦濟世之一道也公本儒醫自乃祖乃父傳三世矣州南庠生史佐清其家五世單傳得

吐血之症甚危公曰此勞心傷血也服安神養血湯加漢三七數服而愈又閻家溝閻國泰幼年面黃體瘦腹大如鼓其父棄而不治公言係傷脾生虫之症用君子仁雄黃下虫無數又以黑礬棗肉爲丸服之症即愈身尤健壯後入武庠本村郝鳴崗年六十得吐瀉痧症幾乎氣絕公以寶花散加東參一服而愈遊靈邑靜昇村王秉彛妻受孕五月諸醫不識治之罔效公曰胎也用安胎飲達生散而安王兆琛子得傷寒陰症目赤口燥身熱諸

沁州復續志

卷三

方技

共

醫皆以陽症治公乃用附子回陽飲治之果立效道光十五年與太原縣儒學教諭名儒楊國泰同刪傷寒論以濟世公之醫術傳其子附貢震華又傳其孫附生邦慶其孫治盧家嶺申世德之妻瘡疾神效人以妙手回生之匾旌其門公雖歿而醫術不歿其畧如是

列女

自柏舟垂訓而婦女從一之義今古同揆歷世以來
或青年矢志白首完貞百年一日或倉猝捐軀從容
殉節一日千秋遭遇不同行踪各異要皆心堅金石
氣凜冰霜

國家既與以旌表文人復爲之傳記非惟發潛德之幽
光亦以留芳型於後世也我沁自前明以及

國朝節烈婦女代不乏人近數十年來所舉較前更多
恐其日久或有淹沒復記列女

沁州復續志

卷三

列女

七

王氏武一貫妻家道貧寒守正不污夫出有村人張
起進調姦被氏斥辱復約同部興正夤夜入室強
姦氏堅拒之被張毆傷自縊而死洵屬節烈乾隆
四十年十一月准部咨將部興正張起進正法王
氏奉

旨旌表建坊入祠

王氏牛石柱保之妻於嘉慶二十二年因夫出外鄰
人王貴生因往索物見氏獨處用言調戲被氏攘
罵王即逃走氏羞忿莫釋旋即自縊捐軀明志節

烈可嘉嘉慶二十二年題准

建坊入祠

宋氏生員吳榮年之妻于歸方八載夫故氏氣絕復蘇婦姑痛而戒之曰爾夫臨終有言身死後家貧子幼宗祀恐難繼矣汝若哭死子何以成立氏涕泣受命時姑老子幼立志守節不忘夫言仰事俯畜蓋兩善云道光三年奉文 入祠

衛氏儒士王邦銓之妻增生王章之母也夫故痛哭不已翁姑諭之曰汝弟出繼汝夫又死汝若捐生我二老誰養子女誰恤耶嗣後氏上事衰親下撫

沁州復續志

卷三

列女

六

弱息雖入庠以後訓迪如故又以弟長而無子代爲納妾尤稱難得道光五年知州惠公馨奉

旨旌表建坊入祠

牛氏部安貞繼室十五于歸夫歿哀痛成疾幾不欲生姑戒之曰爾夫臨終以我與汝子女相托女死尚以畢後事氏承命節哀事姑惟謹雖勤儉持家而生事葬祭皆致禮焉視前子維那如己出己子維垣十八入泮二十八登賢書皆氏之德教所致云道光五年知州惠公馨詳請 建坊入祠

竇氏儒士駢爾健之妻性情和淑年二十三歲夫沒子繼天翁姑在堂矢志守節克盡婦道庶母弟爾臻年幼未婚翁臨沒囑婦曰汝立嗣宜待汝弟生子氏唯唯及弟生子氏命主夫嗣弟旋沒無子又命兼祧有爲另嗣議者述翁命嚴拒之卒與弟妻任氏撫育孤子以至成立宗祀不墜氏之力也道光六年知州惠公馨奉

旨旌表建坊入祠

李氏附生李福溱之女儒士王用儀之繼妻也于歸

沁州復續志

卷三

列女

九

未一載夫故屏絕鉛華績紡度日翁患腰疾氏出入扶持不辭勞苦前妻遺子甫三歲氏加意撫養無異己出誦讀之事尤時督責焉道光十六年知州穆公克德起詳請 建坊入祠

王氏周瑞兆之繼妻夫沒年二十九歲織紡之外不出閨門勤儉所積爲幼子讀書之費每於先人祭辰必虔潔奉祀好周貧乏鄉人咸稱其德後子以讀書致疾令改習弓馬以武遊庠鄉里賢之

王氏以下十五名俱署知州俞公鎔於咸豐十

一年詳請

建坊入祠

張氏農家頡生樓之妻也生樓行三沒時無子長兄生樛有失恃子氏撫之無異己出姑主家政善治產氏助之經理無懈志姑卒有議及析產者氏恒流涕謂之曰非姑志吾不忍也生樛最賢氏言無不依故終二人身未分爨焉守節三十餘年

裴氏監生張樹棠之妻監生經生員綬之母益運太使舉人裴紳之之女也十七于歸夫以二門子承嗣長門氏於兩翁兩姑之間俱得其歡心年二十

沁州復續志

卷三 列女

三

八歲夫沒婦仰事翁姑俯育子女延師課讀俱至成立婦道母道兩無所憾

李氏王樹棻之繼妻于歸後五年而寡無出撫前妻子過於所生翁老且患癱疾十餘年不起氏奉養無缺姑待氏太嚴不形於色因子獨立無助娶媳又娶副室居家務極儉約惟逢先人祭辰粢盛孔備其豐儉合宜如此

弓氏武舉弓元益之女李時發之繼妻夫亡氏二十二歲翁姑無依經理生產不憚勞瘁一切養生送

死皆如禮焉無出從族中擇賢愛爲嗣後嗣子清華習武遊庠孫對巍亦俱入泮皆氏之力至於所周貧乏卽子孫多不使知洵巾幗之完人歟

張氏監生程續之繼妻也翁姑早逝年二十一歲而寡迎夫之本生父居外宅侍奉與夫在無異終身不出外戶凡母家弟姪輩到必垂簾與語避嫌疑也無出爲族人間阻囑族長訟州伸理其嗣乃定州主賢之爲賜匾額

王氏張錦繡之妻也性仁孝年二十四而夫沒夫祖

沁州復續志

卷三 列女

三

髦而猶存氏代翁姑事之不憚煩勞與妯娌最諧凡事必身先之使子就傅不勤輒督責之諸姪有過必聞之嫂故嫂亦篤於教子兄弟循分自盡皆氏之力

霍氏儒士鄣綿都之妻十五于歸二十四而寡夫臨終謂婦曰吾子身孤立無子息可靠未知汝後事何如氏曰女不二夫更有何言夫曰果爾吾可瞑目矣氏立志久守妯娌和睦席豐履厚而勤儉自持直待兄有襁抱子始爲之立嗣焉

張氏儒生劉珍之妻夫沒年二十一歲性極純淑父嘗教以讀書在母家與兄嫂最諧父母許其能盡婦道及孀居守志時姑患沉疴事之不少懈較夫在更謹子童穉延師教讀子自塾歸必將一日所讀書背誦無遺方給食飲且囑曰兒無父易習於荒無自棄也

陸氏楊嗣先之副室也于歸後十年而寡與正室最諧事之甚謹以故氏夫老年得以安養性剛正御下嚴而有法家人無敢犯者夫沒後正室隨逝爲繼嗣爭端訟於省乃定嗣子早逝氏撫繼孫成立以武遊庠可謂有功於楊氏

趙氏張制藝之妻夫故氏二十一歲翁逝姑存事之惟謹氏夫無伯仲撫三歲孤兒入泮後終不滿意嘗曰汝侍御之裔汝父早天不克承先汝其勉之家殷實常助親族婚嫁貲不幸兒亦早逝無孫舅寡姑寡媳兩世相依知者憐之

張氏儒士程嵩岳之繼室于歸後五年而寡性仁孝事翁姑相夫子撫前妻子俱能得其歡心及翁姑

去世子女繼亡母家勸之再適氏截髮爲誓後以
堂孫續爲嗣撫如己出好周貧乏饋遺皆如禮焉
女沒婿繼室生外孫育之終身弗歧視也族黨賢
之

吳氏相國吳文端公會姪孫女孝廉官繁峙訓導吳
沆之女儒士李清第之妻也夫沒氏二十一歲隨
父任所慟絕粒食因父母勸諭遂馳驅旋里經營
塋具撫弱女以終事舅姑并曰親操無少懈氏予
入泮不數年亦亡撫孤孫克承先緒嘗戒吳氏予

沁州復續志

卷三

列女

三

弟曰汝等宰輔之後無玷家聲其後領鄉薦食廩
餼者皆知爲氏之德澤所蔭云

杜氏舉人懷仁教諭杜其秀之女姚隆煜之妻年二
十八而寡翁姑年邁三子俱幼有田數頃氏竭力
經營以慈孝著雅愛詩書教子不啻嚴父故三子
皆以文學名翁疾篤藥餌親嘗乞以身代殆女中
之豪傑歟

吳氏廩生霍昂之妻孝廉公元慶之妹歲貢生鄉飲
大賓元良之姊恩貢生霍光遠之母也十七子

歸二十八而寡伉儷甚篤夫因鄉試沒於途迎柩歸哭繼以血四鄰聞之皆掩泣善事翁得保餘年訓子嚴有過朴責隨之子入泮謂之曰汝父隕身道途所爲何事其努力以承先志性純淑儉約凡事識其大體持家多寡維均有一人失所輒食不下咽故奴僕皆感德云

衛氏武生程守敬之繼妻年二十六歲而寡氏子瑤尚在襁褓前妻子瑛璋年少長氏視之逾於所生延師教讀課督嚴明不數年瑛璋相繼遊庠瑤亦

沁州復續志

卷三

列女

三

成立嘗謂諸子曰爾等必互相友愛毋以母不同爲嫌也瑛等感泣親愛異常里鄰翕然稱頌

衛氏以下四十名俱署知州張公其恕捐廉同知州桂公星於同治二年詳請建坊入祠

衛氏王兆鵬之妻年二十歲而夫故親老子幼氏飲泣而生仰事俯畜毫無怨言無何子天氏忿不欲生但念翁姑老病在床祇得留殘喘以終天年有以婦年幼苦節惜之者氏曰婦宜從一何言苦也翁姑沒質釵釧營窀穸安喪葬成禮嗣子幼氏厚撫

之以紡織之餘完婚其晚節蓋彌堅云

張氏史魁珍妻年二十九而寡翁姑早沒遺子甚幼
遭夫喪煢煢無所依爲殯殮無資鬻田數畝善女
工賴以度日子漸長能承母教家道少裕一時以
子孝母慈並著

李氏衛汝龍之妻幼嫻婦訓適人後卽善事夫姑夫
沒年二十三歲遺腹生一子氏仰事俯畜惟賴十
指無何姑與子俱沒氏含悲營葬以姪子承祀撫
逾所生越十年嗣子又卒遺弱女四氏仰天泣日

沁州復續志

卷三

列女

三

豈真不欲延衛氏一脉耶後爲子立繼婚嫁悉皆
如禮守節之苦未有甚於氏者

張氏監生李森林之繼妻年二十四歲而夫故矢志
靡他鞠育二子課讀亦如嚴父勤儉自持終年不
出戶庭稍有贏餘周急濟貧鄉里賢之

程氏連文錦之妻年二十九而寡子幼家貧氏仰天
痛哭誓以死守日夜勤針黹鬻以度日訓子維嚴
祭祀必豐飢食糟糠寒衣敗絮雖艱苦備嘗終無

懈志

張氏 韓氏生員王夢元之繼妻也夫故氏年二十九歲夫患心病氏親嘗湯藥服事十餘年氏子棟使就外傳勤女工以供紙筆費前妻子寅早夭媳韓氏痛不欲生氏再三諭之曰爾無然視吾何爲棟有子爾善撫之可繼爾夫嗣以故氏與媳相伴終身兩世以賢德聞

杜氏 候銓通判邵興都之繼妻也夫故時氏二十二歲結褵未久遽賦離鸞幸賴前妻有子殫心竭慮教育成人茹苦含辛勤儉自守四十年間無異一日

沁州復續志

卷三

列女

三

吳氏 監生王風古繼妻文端公六世孫女性仁淑父茂才愛風古誠慤以氏妻焉前妻遺子甫週歲氏抱裸甚周至氏有子愛尤不弛遭夫喪子習嬉戲教導之不忍鞭朴翁姑老病動輒需人氏以寢興不便勗諸兒待已職食必親嘗衣必親紉每秋統計餽粥有贏餘卽蓋藏之以故翁姑殯葬子女婚娶無不給云

邵氏 生員衛明星之繼妻夫故氏二十八歲性敏慧

端淑翁逝姑多病氏奉養無少懈姑嘗曰吾無女
不料有媳過於我生前妻子放蕩氏誠意教導卒
以改悔氏子來生甚幼立志撫之循循儒雅能繼
父業皆氏之教也

劉氏楊天保之妾年二十八歲而夫故嫡勸氏改適
無自誤氏哭諸墓誓以死守嫡與之安後嫡喪明
氏含悲侍奉起居飲食曲爲承順及嫡卒典質營
葬繼姪爲嗣撫養成入二十餘年勤勞不倦

李氏曹奮庸之妻年二十二歲而寡因夫長逝幾欲

沁州復續志

卷三

列女

七

身殉爲弱息無依不惜苟延殘喘以存宗祀日則
傭工夜則縫紉冬拾柴薪春挑野菜立志撫孤備
歷艱苦迄今諸孫林立人以爲苦節之報

申氏張綿奇之妻于歸未五載而寡矢志靡他上事
翁姑下撫嗣子織紡不懈糟糠不厭蓋老而靡堅

云

趙氏張泮林之繼妻夫故時氏二十六歲遺孤尚在
襁褓氏盡心撫養織紡度日稍長延師課讀埒以
分陰之惜經營婚娶井井有條後子已遊庠孫亦

成立賢淑之聲播於閭里

趙氏王斌妻年二十九歲伉儷甚篤夫病不起氏私質簪珥爲醫藥費弗效日夜焚香乞以身代夫沒設夫位於卧室事之如生

魏氏監生孫鈞妻二十四歲而夫故氏夫兄弟三人居長氏以冢婦助家政無出謝絕他事不出戶庭專以奉翁姑爲事蓋以老媳代子職焉

吳氏例貢生孫銘妻夫故時氏二十七歲氏夫兄弟三人居次兄與弟先後並卒氏遺一子雖備極憐

沁州復續志

卷三

列女

三

愛不敢以姑息墜家聲稍長就塾不以他事累翁姑殯葬皆自任焉

王氏孫鑄妻年二十二歲氏夫兄弟三人居幼伯仲相繼亡氏爲夫不健膽先寒日夜焚香乞以身代夫沒無子家貲悉委之姪有疾不服藥祝早死以遂志

王氏原任廣東花縣楊紹祖之繼妻隨夫任所性端淑精女工嗜經史夫沒氏年二十八歲屢痛絕子本魯前妻子本愚宦囊空匱母子無依氏飲泣扶

櫬至漢口金盡寄柩僧寺攜二子乞貸以歸後於親屬借貲令本愚往搬柩無音耗氏盼本魯讀詩書嗣家聲旋本魯亦夭氏絕望甘蹈白刃女伴日夜監之後昏夜賦招魂闔家出氏乘便自縊節烈之性巾幗罕覩

王氏閻甯妻年二十九而寡子二與姪俱幼氏撫之皆盡力祖遺薄田三十畝力耕外課讀尤勤務儉約婚嫁以時其後子孫繞膝與姪同居終無間言里人賢之

沁州復續志

卷三

列女

完

殷氏庠生曹繼福妻家甚貧子二自幼即教以農氏勤針黹爲自食計不輕言笑夫故氏二十八歲有勸以改適者氏拒之曰吾守吾志吾撫吾子何他求焉氏儉樸治家婚嫁以時艱苦備嘗終無怨言李氏庠生衛相廷之妻十六于歸二十九而寡時衰姑在堂無子息以紡織供甘旨出入親隨之姑沒殯葬如禮教嗣子竭力讀書爲之完婚不惜艱苦鄰里以節凜冰霜相區其門

胡氏衛庶妻二十六歲而夫故遺二子俱幼家貧無

依姑病氏侍奉不少懈沒葬之以禮治家勤儉擇
淑女爲子完婚其後諸孫俱入庠苦節之報如此
王氏拔貢衛汝駿之繼妻年二十八而寡性凝重簪
燈佐兒讀父書與妯娌最諧爲夫營葬不辭勞瘁
使子從師束脩從針黹出後子已食餼雖日就衰
微猶勤紡織真賢婦也

張氏生員王嘉光之繼妻也夫故氏二十七歲屏絕
鉛華鍵戶自守兩腿不仁帶疾撫孤課耕與讀督
責勝於父師其後諸孫成立雖鄉中父老尚有未

沁州復續志

卷三 列女

三

見其面者

宋氏監生邵明達之妻家貧年二十九而寡姑老子
幼氏晝事蠶桑夜勤紡織以度日姑沒愛子益周
米則哺子糠則自咽及長以浪蕩戒其後子孫成
立廣置田產苦節所致也

申氏李同舟妻年十九歲而寡青年失偶遺子尚在
襁褓有勸以他適者氏泣曰烈女不更二夫吾雖
不烈二夫何爲况衰姑幼子其誰恃乎以故奉姑
課子謹守家規凡營葬畢姻氏一力仔肩鄰里稱

道之聲不絕於口

郝氏儒生王廷翰之繼妻優廩生郝孔修之女也性沉靜讀書識字二十八歲而夫故氏含悲理事奉衰姑撫幼子望其讀書明理待之寬而教之嚴後二子沁與恩採芹食餼皆氏教養之力所致云

田氏衛元弼之繼妻夫故氏年二十九歲性敏慧曉大義井回親操勤紡織變故委諸數誓從一而終撫前妻子不避嫌疑夫弟債蝟集氏慨然售產悉償之

沁州復續志

卷三 列女

三

衛氏劉子欽妻十五于歸二十八而寡家屢空有遺子習挑達風氏送村塾伴他子讀師憫其貧却脩金不受氏儉自奉以供紙筆費日事勤苦一家賴以生活

闕氏程躋堂之繼妻夫故時年二十三歲繼姑遇之甚嚴氏竭誠侍奉不較恩怨姑心卒以挽回理家政井井有條因無出邀親族擇姪子中之賢者爲嗣使主家政氏性幽靜自此不出戶庭鄰婦罕見其面

鄣氏曹大有之妻幼嫻母訓深明大義夫沒年二十
三歲誓以死守以事親爲重無子不計也承歡無
微不至操作以身先之有缺乏脫簪珥質之不令
翁姑知夫弟少飲食教誨皆身任之隣里以賢婦
名

劉氏張東啟妻夫故氏二十八歲子二長瀛次瀾均
孩提氏織紡縫紉供薪水以佐兒讀後瀛已游學
食餼媳又生孫勤儉治家不少懈焉

武氏議叙駢潛妻性頗嚴肅年二十四歲夫沒以姪

沁州復續志

卷三

列女

三

廣文爲子能持大體以禮事翁姑昏定晨省一絲
不苟翁姑沒氏主家政值廣文生母裴氏賢淑妯
娼和睦奴婢敬畏故終氏之世家風整肅焉

霍氏裴明妻二十二歲而寡喪殮常不給氏織紡度
日撫遺孤艱難無可愬惟始終不懈而已

吳氏生員王約繼妻夫故時年二十八歲姑失明氏
承歡養志無少懈有前妻子爲嗣續重飢飽寒暖
視無不周不率教嚴督之不避怨及媳生孫氏益
精心料理俱臻妥協家聲賴以不墜

李氏監生彭達妻年二十八歲而夫故性溫柔素怯弱爲姑所憐愛不教作苦氏不自安瑣屑皆身親之力不逮商諸姑使他人代功則歸之過則自任事姑無失禮不恃愛以自恣夫存時偶有不檢嘗引往事以相規卽夫病不解衣者數月孀居後惟日夜教子而已

武氏王風茂妻夫習弓馬氏贊成之不以他事擾其志姑主家政氏所能爲者竭蹶任之有不如意不使夫知恐墮其業夫沒年二十六歲與姑相依以

沁州復續志

卷三

列女

三

終老焉

溫氏曹廣緒之妻年二十七而寡孀姑幼子俯仰無賴氏竭力經營藜藿自甘上事衰姑下撫弱息數十年如一日子天復撫孤孫九經遊庠食餼不使游惰迄今曾孫希曾亦入泮人以爲苦節之報

周氏史毓典之妻夫故時氏二十九歲性端淑精女紅使幼子從師讀書束脩從針黹出理家政疏食粗服紡織維勤子長棄儒習農薄置田產里人賢之

周氏以下三十三名俱知州桂公是於同治五年詳請建坊入祠

吉氏齋奏廳姜天成繼妻年二十八而寡舅姑孝奉服侍維殷即舅姑沒哀而盡禮前妻遺子銘已子鎔氏撫育成人延師課讀俱列膠庠鄰里中有貧乏者輒周之其後子孫滿堂皆氏之積善所致

馬氏王烈妻年二十九而寡時三子方生氏以新產羸弱遭夫喪命幾不保因七歲長子誠於禱祝始就痊可家素業農薄田數十畝僅敷衣食子稍長

沁州復續志

卷三

列女

三

即教以農其後家漸豐足皆勤儉所致

楊氏桂連崇妻子歸未五載而寡氏撫尸痛不欲生因子尚在襁褓乃立志撫之以養以教及子長善繼前志克振家聲人謂宗祀不墜家業漸豐皆氏之力且處鄰里二十餘年並無異言族黨賢之

邵氏李清沂之妻翁姑早沒每遇祭祀必敬必潔遭夫喪年二十八歲遺子尚幼盡心撫之米則哺子糠則自咽子漸長課讀課耕婚娶成家氏獨任之霍氏史秉直之妻子歸未五載而寡遺子甫二歲氏

教育成人儉樸治家有勸氏改適者氏泣曰烈女不更二夫吾雖不烈二夫何爲奉翁姑守家規常日夜涕泣子娶媳後感疾而卒

李氏監生曹茂源之妻翁姑早逝每食必祭事之如生佐夫讀書久不失敬夫沒氏二十二歲絕食數日鄰里相勸始稍下咽無出同親族擇遠族子泰來繼夫嗣時方三歲撫育成人延師課讀以慈惠聞

王氏生員劉廷璧妻年二十九歲而寡夫病危囑曰

沁州復續志

卷三

列女

三

家無親丁爾母子何所倚賴若能委曲撫子成立使不絕劉氏後則吾瞑目矣氏遂以守節自誓終身教子嚴而有法家聲賴以不墜洵巾幗中之完

人歟

魏氏姜習智之繼妻夫沒氏年三十歲立志守節有娠數月暗祝生男以延夫嗣已而果然人以爲天之所佑氏遂以天佑名其子織紡度日艱苦備嘗及子長婚嫁以時鄉里賢之

劉氏張太虎之妻年二十九而寡事舅姑至孝生三

子長鍼次照又次惺俱幼小氏孀居時與伯兄分
爨已年餘又值天年荒歉饗殮不給者屢矣氏泣
撫諸孤柏舟自矢與古之剪髮留賓熊九教子者
相媲美云

溫氏張散倫之妻年二十久而寡遺二子一女氏立
志撫之守節之日翁姑雖不在堂每於喪祭之期
悉能盡禮至若治家勤儉待人寬恕尤屬餘事

張氏趙聚寶之妻夫故氏二十七歲二子俱幼饗殮
嘗不給有勸以改嫁者泣曰吾之糟糠吾之命也

沁州復續志

卷三 列女

三六

沈姑已七旬舉動需人因而日夜孝養沒尤盡禮
其後爲子完婚皆氏之織紡所出焉

秦氏監生王保定之妻年二十七而夫故時翁姑俱
年邁又兼姑與嫂久疾氏夜不解衣者年餘既爾
三人繼亡嫂遺姪子守拙方六歲撫如已出氏子
守愚守樸俱幼撫之俱盡方喪葬婚娶悉無違禮
其後守拙入庠家聲克振氏之力爲居多

時氏駢秉忠妻其女工勤操作十五于歸閱年無幾
姑卒遺幼弟二人氏養祖姑事鰥翁撫育幼弟始

終無間言養生送死稱家有無夫沒時氏年二十七歲遺子二以養以教俱至成立爲農爲商各因其材

時氏王東壁之繼妻生三子夫故時氏年二十六歲貞靜閒淑尤勤女紅孝養翁姑永無倦怠除定省外不履中庭教子女不事姑息無何翁逝姑多病氏夜不解衣者年餘及姑沒長子俾事農業次三子令從叔讀書迄今俱已成立

史氏生員部步雲妻于歸後十年而寡時雙親在堂

沁州復續志 卷三 列女

色養備至翁姑沒夫弟震華與遺子邦慶俱幼氏以養以教初無少異厥後弟與子俱入庠姪子邦俊延師課讀鄣氏兩世得以振其家聲者氏之力居多

王氏郝九德繼妻年二十七而寡翁姑年近古稀氏朝夕奉養不少懈前妻所遺子女與已所生子撫育教養俱至成立人以爲苦節之報云

李氏李芳魁之妻夫故氏年二十七歲性喜安靜翁姑年近古稀值姑與嫂俱病氏質衣問藥夜不安

席者年餘未幾翁姑先逝嫂亦繼亡遺姪恩龍化龍氏撫育成人營葬婚娶皆自任焉後姪子俱已遊庠其延宗祀而振家聲者氏一人之力也

張氏處士王希榮之妻夫故氏年二十七歲時翁姑早逝二子俱幼無人可託氏織紡度日立志撫孤後俱成立善繼前志克振家聲宗祀賴以不墜

李氏武林之妻溫柔敬厚佐夫治家孝順翁姑遠近稱之夫沒時氏年二十二歲節烈之性誓不欲生賴有親戚相勸始立志撫孤翁姑沒殯葬如禮其

沁州復續志

卷三

列女

三

後諸孫滿堂皆氏之賢德所致

李氏處士宋再封之妻夫故氏年二十九歲遺子尚幼立志撫之翁姑早逝每於生忌之辰必祭必敬持家勤儉織紡度日及乎長謀耕稼完婚娶氏身任之

劉氏處士李向榮之妻年二十八而寡時姑老子幼家計貧乏氏金石盟心松柏勵志井臼親操不厭糟糠仰事俯畜各得其宜且持家勤儉待人寬和鄉鄰稱之

張氏李茂財之妻夫故氏年二十七歲性溫柔敦厚
生一女旋夭翁姑早逝家况寥落氏立志守節持
家勤儉內外嚴肅後擇姪子中之賢者爲嗣待以寬
宏里人稱之

程氏處士郝永全之妻性聰穎七八歲讀書卽善悟
十歲後于女慕貞潔之語念念不忘父曰此兒若
是男足可讀書矣夫故氏二十五歲二子俱幼織
紡以助薪水後子孫林立書寫記算得力於氏者
居多

沁州復續志

卷三

列女

三

邵氏處士曹庸中之妻夫故氏年二十五歲事翁姑
無稍懈有勸以改適者泣曰女不二夫况翁姑年
近古稀我若去何人侍奉因而立志守節克儉克
勤敬事衰親二十餘年無異一日

劉氏處士周兆鳳妻年二十八歲而寡家貧子幼喪
殮往往不給氏織紡度日不受人憐撫子成立訓
誨讀書靡間宵旦偶不孝教鞭朴旋加嚴肅之氣
凜然難犯

劉氏周安邦之妻性端淑佐夫事親必得歡心而後

已夫沒氏二十九歲勤儉持家不至凍餒以義方教子其松柏之操冰霜之節遠近稱之

杜氏處士王錦豐之繼妻翁姑在堂氏事之色養備至遺二子俱幼教之以爲長久計至於和妯娌睦鄉鄰尤屬餘事夫沒年二十八歲殯葬婚娶悉無違禮氏一人之力也

衛氏李美秀之妻幼孀母訓聰明賢淑夫素病羸憊舉動扶持克盡婦道夫沒年十八歲備歷艱苦矢志守節孝孀姑和妯娌養一義女以爲伴因乏嗣

沁州復續志

卷三

列女

四

于族中擇姪子逢明爲嗣年甫三歲撫養成成人延師訓讀柏舟之節永矢弗諼

吳氏楊履祿之妻年二十五而寡舅姑早逝每遇祭祀必敬必潔爲內外所稱賞撫孤子延師課讀寬嚴並濟家盈富不忘勤儉有貧乏悉周之毫不計償巾幗中有數之人

邱氏處士曹士元之妻夫故時氏二十七歲因無出擇遺族三歲子爲嗣撫年餘亦逝氏仰天泣曰此天絕我也吾之苦節吾之命也氏終不變志鄰里

以賢稱

張氏梁永讓之妻二十八而寡二子俱幼適翁姑老病在床氏質釵釧致醫藥衣不解帶者年餘有勸以改節者氏仰天泣曰從一而終固其宜也何以改爲姑沒營殯葬爲子完婚皆如禮焉

王氏王金城妻年二十九而寡子幼家貧織紡度日每食必祭撫孤子寬嚴並濟勤儉自守不辭艱苦其後子孫賢孝人以爲苦節之報云

姚氏劉四虎之妻姑年衰老夫素患病日用操作氏

沁州復續志

卷三

列女

聖

身任之及姑與夫偕逝氏年十八歲生子甫彌月耘苗鋤瓜抱兒往返汗淚齊揮有勸以改適者氏正色曰吾已爲劉門生子復何嫁爲勤儉所積家漸以豐姚氏以下五十三名俱知州王公桂林於同治十二年詳請 建坊入祠

賈氏侯服蘭之妻姑久失明氏事之朝夕不倦夫亡氏年二十九歲遺子尚幼姑日求速死氏慰之曰母勿過憂倘天賜康強卽媳之福由是歷田疇摘野萊勤苦度日姑媳相依三十餘年

史氏譏叙王克儉之繼妻翁早逝姑獨存前妻子尚幼氏仰事俯畜孝慈兼盡後氏生一子與兄無異母之嫌及姑棄世夫亦旋故氏年二十四歲泣曰今而後以艱鉅投我矣治家井井有條後二子和睦入其門者不知兄弟之各出焉

田氏衛世祿之妻上有祖姑翁娶繼室生三子氏夫前姑所出氏以一身調停其間久之異出之嫌乃釋夫病在床氏親嘗湯藥始終不懈及夫沒氏二十八歲二子一女俱幼氏勤紡織咽糠粃以自守

沁州復續志

卷三

列女

三

焉

吳氏李适之繼妻夫故氏二十八歲沁望族女也賦性幽閒孝謹素聞子幼家貧人恐衣食不足勸之改適氏誓以撫孤爲事處艱難之境不變貞一之操治家勤儉教子不稍姑息里人賢之

吳氏黃漢惠之妻夫故氏年二十八歲沉靜寡言時翁姑在堂以孝謹聞遺子尚在襁褓又無親屬可靠零丁孤苦幾難自立氏矢柏舟志治家井井有條子稍長教之不少寬家聲賴以不墜

王氏武生周化龍之妻幼嫻訓事舅姑至孝且勤夫勤舉業勿以內顧紛心家務俱自任之無何翁與夫相繼而逝氏年二十九歲一慟幾絕因上有老母無人侍奉乃忍慟堅守兩寡相依撫嗣姪以承祧一門和順鄉里賢之

馮氏王金山之妻夫故氏二十四歲翁早辭世衰姑獨存氏矢志守節上孝衰姑下有孤子篝燈夜織寒暑無倦姑沒之後喪葬如禮一生身肩重任克成夫志鄉里賢之

沁州復續志卷三 列女

三

李氏趙生保之妻性端凝不苟言笑翁早逝佐夫子事孀姑貧不廢禮無何夫故氏二十九歲遺二子氏鞠養成人一教之讀一教之耕

王氏武太昌妻年二十八而寡事舅姑曲意承歡舅姑沒經理喪塋井井有條子思忠方七歲氏立志撫之慈母也不啻嚴師

閻氏李森林之妻家不中貲夫出外就業氏事舅姑以老媳代子職後姑以疾卒事繼姑無異前姑及夫與舅姑偕亡氏年三十九歲喪塋盡禮教育子女

不尚姑息以故四子一女俱成立焉

安氏生員張瑛繼妻孝順翁姑夫沒氏二十九歲子女嗷嗷肝腸寸裂二老前未露戚容恐益高堂憂也舅姑終身未嘗一言瑕疵且氏友于兄弟和睦妯娌至今同爨鄉鄰稱羨

郝氏生員張耀奎之妻事姑至孝妯娌諧和及姑與夫相繼而亡氏年二十九歲立志撫孤爲子完婚未幾子亦逝兩寡相依知者憐之

董氏楊儉之妻事舅姑敬養俱至夫沒氏年二十五

沁州復續志

卷三 列女

四

歲矢志撫孤嘗質粧奩資兒輩膏火及葬翁姑後語人曰大事已畢吾何生爲妯娌等力勸而止雖懇懃課子未嘗有喜笑容

申氏廩生宋靖邦之妻奉養舅姑誠意懇摯夫沒年二十八歲無出日夜號咷本欲從夫地下奈二老尚存未敢自盡懇懃奉侍高堂賴以無憂後以姪子爲嗣撫如已出訓誨讀書不數年而食餼焉

秦氏范大有之妻賦性淡泊不喜繁華翁姑早逝妯娌諧和夫沒氏二十一歲子幼立志撫之及長爲

之援例納監雖艱辛歷試終無怨言

蘇氏時正昌之妻年二十五而寡翁姑早逝祖姑猶存氏相夫子曲盡孝思及祖姑與夫相繼而亡家貧子幼內外無依氏堅忍自持上體夫意下撫孤兒金石之操遠邇悉稱

汪氏奎文閣典籍王巖之妻夫故氏年二十一歲生自儒門長適宦裔克盡孝思無何姑先逝翁不數年亦沒惟繼姑存氏夫昆季大人伯兄宦江南氏上事孀姑中聯手足遺子一以義方訓之焉

沁州復續志

卷三 列女

五

王氏申興都妻夫故氏年二十五歲性仁孝家不中貲慈姑在堂佐夫盡孝夫沒冰霜矢志糟糠不厭及姑逝遺叔幼弱氏與孤子一例待之皆成立焉陳氏溫有蘭之妻家極貧寒又值連年荒歉糴殮往往不給夫沒氏年二十七歲誓不再醮飲食無資傭工度日一子一女隨母餬口子既長教以務農家乃漸裕矣

時氏王簡之繼妻翁姑早逝氏未得一日奉侍言之輒爲流涕夫沒氏年二十九歲家極貧寒氏處之

淡然且刺指自誓教育子女不尙姑息後家漸豐裕尤勤勤懇懇不少懈焉

苗氏杜益林之妻年二十八歲而寡事舅姑以孝聞勸夫勤稼穡自任紡績及夫沒親老子幼仰事俯畜艱苦備嘗翁姑至沒未嘗一言瑕疵

李氏申禮之妻稟性溫柔翁姑在堂克盡孝道及翁姑去世夫亦旋亡子幼家貧氏織紡度日上承夫志下撫孤子淡泊終身別無他意

王氏劉鈺之妻年二十二歲而夫故家素貧事舅姑

沁州復續志

卷三

列女

哭

曲意承歡遭夫喪氏抱孤子泣血呼天幾至殞命不幸子亦旋夭劉氏三門僅遺一姪氏念姪零丁孤苦教育彌周焉

汪氏王孟來之妻年二十九而寡翁姑耄耋家道貧寒氏執筐挑菜以供糲殮翁姑沒喪葬盡哀以姪子承祧撫如己出焉

張氏王克修繼妻年二十七而寡舅姑早逝祭之如生夫沒氏立志守節勤儉治家教子女寬嚴並濟其後子孫滿堂猶操作不懈焉

汪氏儒士王廷儀之妻夫沒年二十歲慟不欲生以姑染病在床因憮然曰生子以備年老子已亡姑與媳相依爲命媳若死姑何能獨生遂隱忍矢志孝敬不衰焉

李氏生員霍嵐晴妻性敬厚事舅姑以孝聞夫沒氏年二十九歲立志守節以姪子蔭棠爲嗣撫如己出不數年而采芹食餼焉

連氏李有慶之妻年二十七歲而寡性幽閒孀姑在堂氏竭力奉養以孝謹聞及姑與夫相繼而亡二

汝州復續志 卷三 列女

三

子俱幼氏勵志守節織紡度日雖境遇甚艱終無怨言

張氏監生劉兆蘭妻孝順翁姑喪葬盡禮夫故氏年二十七歲所遺子女尚幼氏立志撫孤備嘗艱苦金石之心始終不渝

張氏生員王寄之妻事繼姑至孝夫沒年二十七歲姑老子幼氏仰事俯畜兩善焉及繼姑沒子亦夭亡氏悲痛幾絕以此致疾不復醫藥惟求速死以

從夫焉

楊氏生員潘炳之妻年十九而寡于歸未閱月即誓
夫偕姊丈詣晉陽書院肄業逾年遂入泮氏代夫
定省雖親女不如未幾夫故氏勸翁再娶後翁得
一子氏贊庶姑撫之嘗曰潘門所恃者止此一線
生子當先爲夫嗣後果以叔子嗣其夫焉

楊氏李生貴繼妻夫故氏二十八歲事舅姑敬養備
至姑嘗謂有孝婦不啻有孝子及翁姑辭世氏號
咷慟哭水漿俱廢因有子四人俱未成立乃忍痛
撫孤織紡度日其後子孫孝友家聲賴以克振

沁州復續志

卷三

列女

哭

王氏何萬成之繼妻舅姑早沒事之如生每食必奠
夫故氏二十九歲遺子臨漳尙幼氏立志撫之後
值歲荒合家用度仰氏十指真賢婦也

薛氏曹昌宗之妻事舅姑孝謹獨摯夫亡年二十八
歲遺三子皆幼家道雖貧堂土甘旨未嘗少缺翁
姑逝喪葬如禮其後子孫繁盛咸知禮法氏之教
也

李氏監生張志清之妻年二十四歲而夫故時尊姑
在堂氏以婦道代子職視夫在時孝敬靡篤擇賢

姪繼夫嗣撫育一如已出焉

霍氏王順長之妻性溫柔翁姑先逝夫亦旋亡遺二子俱幼氏承夫遺命撫育孤子矢志靡他其後婚嫁費用益煩家業愈薄處之泰然淡泊之志遐邇

咸稱

閻氏溫天和之繼妻性貞靜年二十九歲而寡上事衰親下撫幼子以次子承夫仲兄嗣能得嗣母歡心人以爲氏之身教所致

鄒氏生員楊式金妻夫故氏二十八歲賦性堅貞仰

沁州復續志

卷三 列女

兕

事俯畜較夫在更爲懇摯姑沒殯葬如禮整理家務井井有條里黨稱之

李氏王潛修之妻年二十七歲而夫故時舅姑年邁朝夕奉侍無不盡心及翁姑卒殯葬如禮勤儉自持言笑不苟撫二子教養備至二子皆恪遵母訓焉

杜氏處士曹作賓妻舉人懷仁縣教諭杜其秀之女幼隨父在任讀烈女傳卽思仿效于歸後見夫伯仲俱入泮氏每引兄弟勸夫勤讀篝燈夜佐深宵

不倦更能先夫盡孝孀居後家計益窘辛苦備嘗
終無怨言

王氏李福虎之妻稟性貞一夫沒年二十七歲孀姑
在堂一子一女俱幼小氏矢志守節上事衰姑下
撫子女艱苦備嘗不渝其志

賈氏王生岐之妻善事衰姑中和妯娌夫沒年二十
九歲矢志靡他振理家務胥臻妥協教子女寬嚴
並濟不事暱愛沒後慈姑猶念之不置云

楊氏溫天眷之繼妻夫故年二十八歲翁姑早逝又

沁州復續志

卷三

列女

五

無子息煢煢孤立備嘗艱苦後以姪子爲嗣撫如
已出且於先人祭祀無不豐潔好周貧乏一時賢
之

裴氏李朝陽之妻于歸未五載而夫沒時尊翁在堂
氏朝夕侍奉菽水承歡撫嗣子嵐生恩同已出晚
年子耕氏織倍覺辛苦勤勞過度積病長逝

宋氏生員閻鎮邦妻賦性溫和事翁姑至孝未幾翁
姑先逝夫亦繼亡氏年二十九歲家計日窘堅忍
自持杜門績紡上體夫志下撫孤兒雖日用不給

而矢志靡他

郝氏霍庵元之妻幼嫻母訓夫沒年二十三歲誓以
死殉翁姑恐其輕生爲之繼一姪使氏撫養以延
夫嗣氏飲食教誨無異己出早爲完婚後又爲之
納監嗣子感其恩義亦以孝聞

宋氏王奠南之繼妻夫故氏年二十六歲氏與衰姑
老少孀居承顏順志不使姑有寡獨之憂姑疾卒
殯歛如禮撫前妻子逾於所生不幸亦早夭氏又
撫嗣孫亦如育子焉

沁州復續志

卷三

列女

至

鄭氏吳讓周之妻夫沒年二十七歲翁姑衰老子女
幼弱氏誓志守節仰事俯畜慨然自任勤紡織以
謀生本寬嚴教子殯葬婚娶無不井井有條焉

郝氏監生李逢春妻年二十九而寡幼嫻女箴事孀
姑極柔順夫沒時遺子甫離襁褓氏矢志靡他及
姑逝喪葬盡禮後子漸長家道日感不易堅貞之
操人以爲徽音克嗣云

陳氏李武魁之妻年二十九而寡孝順孀姑諧和妯
娒及姑辭世家貧子幼立志撫之厥後諸孫林立

撫養之外猶勤教育焉

竇氏李耀光之妻性情柔和言動風雅翁姑早沒祭祀必誠夫故無子年十七歲氏泣曰命不由人何敢怨天矢志完貞抑鬱以終焉

安氏霍光明之繼妻年二十七而寡天性孝謹事翁姑無失禮子幼弱立志撫之青燈課兒克振家聲雖艱苦備嘗而柏舟之操不易焉

駢氏儒士李榮華妻副榜駢沁之女也夫早失恃育於祖母及卒氏哀痛幾絕祖姑謂之曰汝夫沒已

沁州復續志

卷三

列女

五

傷我心汝再亡我何以終餘年氏由是止痛事祖姑以孝聞繼姑沒遺有子女氏撫育教誨不令失所翁臨沒囑以後事養生送死皆如禮經紀家務井井有條歲值大祲所有籽粒除自種外給與鄰族不索償人以是益賢之光緒五年知州吳公承恩詳請

旌表

李氏牛侍舖河底王世泰之妻也氏自幼聰慧勤女紅刺繡紡織無不精及笄于歸伉儷甚篤翁歿後

氏事姑尤能先意承順鄉里同以孝稱年三十得子乳名鉞氏因姑多病勸夫娶妾遂獨侍其姑三十年如一日姑年八十猶每夜抱姑同寢惟恐老瘦不耐清寒致損高壽焉

梁氏牛侍王天樞之妻年十八夫病將不起以冢嗣爲憂氏泣謂之曰腹中震動數月矣天不絕吾嗣倘生男吾撫之家雖貧誓不改適子善養病體毋過慮夫歿後果生子氏苦節撫孤卒至成立現年四十有八鄉里咸賢之

沁州復續志

卷三

列女

五三

宋氏優廩生郝孔修繼妻性溫厚十七歲于歸事翁姑撫前子克盡婦道生子女各二一門和順見者不知前遺子暄曙非氏所生未幾暄出嗣夫與翁姑相繼而歿氏年二十八歲含悲治喪葬事禮哀兼盡命曙與四子曦讀書泮早遊三子晤耕田家益饒裕後氏年近八旬非扶持不能動行曙承歡膝下頃刻不離左右母慈子孝爲鄉里所稱羨云郭氏儒士韓殿元妻二十七歲而寡夫歿時祖姑與翁俱在堂遺孤子覲甫六歲氏立志守節晝操井

曰夜績麻縷事祖母衰翁克盡孝道課幼子從師
讀書未幾祖姑與翁相繼而歿氏治喪厝葬無失
儀數年子覲入泮鄉鄰皆稱之享年五十六歲畧
學正張士俊以節並松筠旌其門焉

張氏李太和妻北關廂人年二十二歲而夫歿姑早
寡且失明氏上事有疾之姑下撫失怙之子飲食
不缺教養兼施辛苦備嘗誓無他適孀姑得享大
年孤子亦至成立皆氏之力也現年六十七歲

李氏農人張更全妻薄田數畝僅可自給氏十七歲

沁州復續志

卷三

列女

五

于歸十八歲夫歿上無翁姑下無子女長齋繡佛
以終其身貧婦中曉大義者歿年七十一歲

任氏儒士駢爾臻妻陝西同官縣知縣任重孫女十
五歲于歸二十三歲守節遺子繩其先已出嗣長
門夫歿遂至缺嗣氏與嫂竇氏同撫子承祧兩門
至於成立

王氏趙九齡妻年二十七而寡及夫歿所遺只一女
因以姪子兼祧夫嗣與孀嫂同撫鍾愛過於已出
不數年嫂與姪子姪媳相繼而歿遺孫子三孫女

一氏仰天大哭隻身操作撫諸孫俱至成立值光緒三四年歲奇荒衣食每至不給氏饑寒困苦無一怨言卒年七十一歲鄉里咸稱賢淑焉

王氏李成妻二十八歲而夫故氏事姑育子孝慈兼盡服闋後爲子完婚十數年姑老病終子媳俱歿氏不勝悽楚心勞力瘁復撫諸孫俱至成立卒年六十三歲

崔氏張存忠繼妻年二十九而寡夫歿時遺子滿榮尙幼氏延師課讀教養備至及子稍長爲之完婚

沁州復續志

卷三

列女

五

十數年而子亦逝氏哀痛幾絕鄰婦勸止始就食每逢翁姑與夫誕忌之辰氏恭備香楮哭奠塋墓鄰里聞之咸致嘆焉

馮氏張鵠程妻生員張容賢母上官村人夫歿氏年二十八歲欲以死殉奈姑老子幼無所依靠因從權節哀紡織度日事姑克盡婦道訓子至於成立現年六十一歲康健無恙人以爲若節之報

武鄉縣

魏氏 李九慎妻

李氏 魏殿颺妻

程氏 李九敬妻

史氏 監生李長元妻

段氏 范廷獻妻

李氏 魏正五妻

劉氏 韓培英妻

李氏 張扶漢妻

程氏 增生魏繩緒妻

史氏 魏儒妻

季氏 李世賢妻

季氏 鳳臺縣教諭李啟元妻

趙氏 魏棟妻

武氏 李毓基妻

王氏 魏元長妻

周氏 魏關妻

沁州復續志 卷三 列女

王氏 庠生張昌武妻

魏氏 韓炎妻

史氏 庠生李葆元妻

范氏 武夢齡妻

李氏 張士俊妻

常氏 監生史用中側室

李氏 趙琪妻

劉氏 李茂官妻

馬氏 趙永全妻

五

劉氏 李璧妻

王氏 監生竇致中妻

魏氏 張尊榮妻

武氏 張廣盛妻

馬氏 李體元妻

李氏 鞏昌齡妻

趙氏 魏文華妻

張氏 史稽勳妻

召氏 趙琛妻

趙氏 王福榮妻

武氏 魏義泰妻

王氏 李芝桂妻

杜氏 程光遠妻

程氏 翰林院編修
李端繼妻

梁氏 監生李維魁妻

張氏 程先民妻

召氏 趙明妻

郝氏 劉炳璋妻

申氏 郝會元側室

米氏 牛昌齡妻

牛氏 任希虞妻

李氏 魏岐陽妻

韓氏 李崇賢妻

武氏 張融中妻

魏氏 監生韓以觀妻

賈氏 趙岱妻

韓氏 史錫表妻

沁州復續志 卷三 列女

史氏 張之任妻

禹氏 魏延潘妻

崔氏 生員李對揚妻

張氏 武生趙懷瑾側室

曹氏 監生高遠側室

武氏 魏聯奎妻

魏氏 胡世俊妻

陳氏 杜廣大妻

右節烈六十人事實俱詳縣志道光二十六年奉

旨旌表

杜氏 米南魁妻

周氏 孟學仲繼妻

韓氏 郝顯義妻

郭氏 武威揚妻

陳氏 常習業妻

程氏 趙綱妻

季氏 監生李枝華繼妻

劉氏 張忠信妻

李氏 韓世昌妻

周氏 優廩生郝承恩妻

楊氏 張元齡妻

李氏 增生郝榮陽繼妻

董氏 苑來君妻

鞏氏 張聚興妻

王氏 監生籍翼側室

魏氏 武好善妻

李氏 鞏福壽妻

郭氏 鞏慶財妻

董氏 郭宗讓繼妻

武氏 僧生張秉仁繼妻

季氏 李丙申妻

程氏 武生李三新妻

常氏 郝映霞妻

崔氏 史正身妻

沁州復續志

卷三

列女

五

魏氏 趙大興妻

張氏 吏員高珍妻

韓氏 趙鳴崗繼妻

梁氏 張灝妻

李氏 趙萬翔妻

韓氏 王可大妻

汪氏 王濫和妻

張氏 關俊繼妻

李氏 韓延祚繼妻

王氏 籍文炳繼妻

周氏 郝兆德妻

楊氏 郝魁元繼妻

李氏 段崇魁妻

張氏 梁溶繼妻

武氏 韓晚成妻

李氏 武登魁妻

魏氏 張繼溫繼妻

安氏 葉德妻

楊氏 監生陳黯妻

魏氏 武紹基繼妻

范氏 監生魏鴻翔妻

李氏 附生趙建中妻

魏氏 程本初繼妻

魏氏 監生李尙文繼妻

李氏 王顯榮妻

趙氏 董昌宗妻

范氏 監生董宜中妻

任氏 陳安全繼妻

韓氏 鞏富奎妻

崔氏 郝憲書繼妻

李氏 郝憲銀妻

趙氏 監生閻清魁妻

常氏 李在公妻

赫氏 郝守約繼妻

董氏 生員武殿元妻

張氏 曹蘭才妻

沁州復續志

卷三

列女

五

楊氏 馮金鑾妻

季氏 李生華妻

趙氏 郝榮生繼妻

史氏 廩生趙夢熊繼妻

陳氏 程序繼妻

霍氏 張文華妻

李氏 郝鳳翮妻

王氏 趙士豪妻

李氏 段起龍妻

郝氏 李金山繼妻

王氏 魏鍾英妻

李氏 史詔妻

張氏 王旭妻

張氏 魏端桂妻

段氏 郝永中妻

武氏 脩生劉副魁妻

趙氏 王錫妻

李氏 從九品竇來儀妻

王氏 僧生李應成妻

秦氏 竇執璧妻

魏氏 范名漢繼妻

趙氏 李萊妻

王氏 魏持泰妻

武氏 監生竇呈璧繼妻

郝氏 竇元璧妻

史氏 趙聚觀妻

胡氏 僧生陳際清妻

章氏 張延英妻

張氏 史小山妻

郝氏 孟德魁妻

閻氏 趙木妻

姜氏 從九品段明富妻

崔氏 監生武達孝妻

李氏 監生石毓璋側室

右節烈孝婦九十四人事實詳縣志同治年間奉

沁州復續志

卷三

列女

卒

旨旌表

武氏 附貢生竇先甲妻

張氏 增生陳祝岡繼妻

程氏 張之俊妻

王氏 武雙魁妻

董氏 邢慎妻

李氏 陳恒昌妻

魏氏 李德惠妻

倪氏 梁二妻

張氏 武生李唐英繼妻

張氏 僧生郭巖繼妻

陳氏 劉貴玉妻

王氏 武生董其中側室

張氏 石成起妻

李氏 任玘保妻

姜氏 石韞璧妻

程氏 蕭駒繼妻

馮氏 趙三才妻

右節烈婦十七人光緒五年

旌表事實詳縣志

魏氏 生員武澍繼妻

楊氏 監生蔣來亨妻

王氏 郝鵬程妻

李氏 未旌

右補錄節烈婦二人附錄二人事實俱詳縣志

沁州復續志

卷三 列女

空

